

上虞縣志校續卷八

列傳目四 人物

劉履 惟善 諫 珩 鵬

張岳

薛廷玉 文舉 常生

王榮三

伍建

張思敬 趙肅

葛貞 范彰 姚輯

張程

朱右

陳山

葉砥 綬 冕

何文信

俞尚裡

俞誠

謝肅 忠

嚴震

吳克剛

陳時舉 秉全 夏時 管祐之

貝秉彝

葛啓 昂 銘 楠

張居傑 居彥 張崑 輝

謝澤 由吉

范宗淵 澄清 林釗 日本

羅瑾 澄

上虞縣志校續

卷八 人物

一

俞正儀

陳金

陳以行

陳禧 偉 志 密

郭南

趙誠 鍾億

張欽若 夏巖 葉魁 六 丁仕卿

俞鵬

俞繪

陸淵之

潘府

許璋

鍾禮

明一

劉履字坦之宋侍御史忠公四世孫

案舊作五世孫據戴良撰風雅翼序更正

幼聰明操履端重長讀忠公遺書即苦學講解諸經尤邃

於詩書元至正初編寫忠公奏議金華黃潛為文序之且

勉以力學勵行值修宋史履具忠公任官行事上之以史

官傳文不悉遂著忠公年譜一卷避亂太平山號草澤閒

民善五言詩名草澤閒吟八明屢薦不就見謝肅撰行狀洪武十

二年冬徵天下博學老成之士案舊志誤作十六年行狀作十二年秋詔求天下博

學之士今據明史本紀浙江布政使強起之至京師見太祖於奉天

殿賜宴親試將授官以老辭給寶楮若干貫為東歸費未

行而疾作手書四言詩詩曰受中以生性命惟始曷以保終動靜斯理再更世途若涉淵水

跬步弗循百行愆己孰尼予行孰使予止邈哉聖賢道則在邇命既衰矣沒吾寧矣啓體全歸無愧素履擲筆

卒於會同館賜歸葬象山著有補注選詩八卷補遺續

編六卷通號風雅翼祀鄉賢正統志兼萬曆志從弟惟善族兄弟

上虞縣志校續

卷八 人物

子鵬諫惟善字叔寶篤學修行元末隱居教授鄉黨稱白

衣相公洪武二十年以薦擢富川知縣興學校勸農桑恤

孤寡旌善癉惡綽有政聲監察御史王文榮奏保旌異之

未幾卒於官歷四載無私蓄貧不能殮士民為擇地廩縣

治之右兼祀名宦據楊士奇撰行狀兼富川縣志增纂鵬字翼南少不慧入

山習靜久之胸中豁然日能誦書一鍼兼善篆楷詩畫案畫

史會要常作雲山圖人競珍之從叔履學輒以道學自任洪武間由秀才

應制科赴京召試除禮部郎中左遷臨江府推官升知府

拜禮部右侍郎太祖以鵬鯁直授漢府典寶使輔漢王多

所匡諫以被誣死後漢王敗檢鵬諫書上之賜卹甚厚著

有風雅翼述

案康熙志誤作翼風雅述

翼南詩集無子姪恂任鹽城縣

丞

正統志萬曆志

諫字正言性穎悟從履游永樂中以薦辟知靈

川縣

案魏驥撰行狀作洪武間膺薦

縣逼徭俗號難治諫開誠布公先教

後刑民皆自悔以艱去民挽留遮道起除刑部郎中民詣

闕懇復任既抵靈川室家相慶又以艱去民復請歷任九

載教化大行尋調永春改知常熟政教不減靈川卒於官

士大夫思之有哀頌集時稱清白循吏

萬曆志兼黎弁撰傳

曾孫珩

字文鳴成化戊戌進士知浦城縣沈敏有決斷守諫清白

上虞縣志校續

卷八 人物

三

繩奸民養髦士後兩補太平望江所至皆有最績祀浦城

名宦

萬曆志

張岳字申之少有大志經史之外旁通兵醫卜兼善騎

射元季仗劍游四方偶謁明太祖於池州曰此真人也足

定天下矣遂歸隱後至金陵值元夕題詩云中天月照三

千國聖主龍飛十八春捲甲已無征戰地看燈都是太平

人太祖微行見之命以文學徵用不起有青城集行世

萬曆志

辭廷玉天性至孝博學善文遭元季絕意仕進家居養親

曰吾以是終矣母常患風攣跬步莫移卽溲便必躬自扶持母歿哀毀殊甚不數月復喪父葬祭不踰禮廬墓側行臺御史慶童作孝思二大字嘉之萬曆志子文舉字才用幼聰敏一目數行下九歲能屬文廷玉嘗遣學於御史中丞劉基禮部尚書錢用壬二公邃於春秋文學承其指授充然有得洪武初邑大夫聘爲弟子師日夜講論經史磨礱造就出其門者皆爲名士十一年以文學薦召爲太常博士陞禮部主事以內艱去官遂卒著有訥齋遺稿正統志兼萬曆志
孫常生字士容登永樂丙戌進士爲貴溪縣丞以母老

上虞縣志校續

卷八 人物

不敢行遠乞就本邑教諭嚴立條約朋舊皆畏憚之歷官吏部郎中常生孝如其祖母疾不遑寢食至欲以身代嘗扈駕北征餽餉有功覃恩及親色喜甚有老僕知爲庶生子生母早喪乃言曰主亦知有生母乎備言其狀卽驚哭仆地遂設主衰經晨夕哭奠如初喪竟感疾卒人稱薛氏世孝云正統志萬曆志兼宏治府志
王榮三膂力過人洪武初從潁川侯傅友德克取普安曲靖攻大理屢建奇功至鶴慶與敵對壘奮勇陣亡世襲興

隆衛百戶據備稿引貴州通志

伍建洪武初進士慷慨有大志以言事謫貴陽工詩文著

有木庵詩集

貴州通志

張思敬字叔寰洪武初以人材薦不就強起之乃自劾曰

有母在堂不能養苟來就祿愧李密多矣人品既壞何用

人材數辭乞歸許之後與其母同卒

嘉慶志

趙肅字敬賢篤

於孝友不干榮進居白馬湖山間愛樹梧竹顏曰竹梧深

處

謝肅有記

稽考經史喜為聲歌士大夫樂與之游

萬曆志

葛貞字原良有至行不涉聲華樓居度文籍以自愉詩有

晉唐風書法王右軍而氣貌清恭人稱悠然先生

案胡敏撰傳嘗

上虞縣志校續

卷八 人物

五

望南山以陶靖節悠然見南山之句因署以自號

洪武時累以經明行修聘不就

著有悠然集子啓自有傳

萬曆志

啓弟肇與從兄興隆俱徵

聘不赴敦行嗜學有悠然風貞有友曰范彰姚輯彰字仲

彰

王直撰墓誌銘作名文煥

從四明桂彥良受詩經洪武初與貞同徵

不就永樂元年縣南黃路溪蝗當事委彰捕之彰禱於神

不數日蝗無遺類六年復以薦辟至京師以老疾辭歸館

閣諸公祖道東門外贈詩文盈篋有守拙稿行世

萬曆志兼墓銘

輯字孟曦少力學不為經生言永樂中張鑑薦經明行修

不就棲遲四明泉石間與葛貞葉砥諸賢善嘗游長安秦

川洞庭建業釣臺諸勝探奇弔古見之歌詠著有守齋詩

稿二十卷

萬曆志兼姚氏譜 姚氏譜與族兄孟徽相唱和孟徽名軫永樂中同兄平舉人材繼舉茂才

異等並不就著有間詠草和唐音及說杜五言律各若干卷 永樂間以賢良薦不就者

又有張程字孟津早孤兄弟四人長為貴州吏卒於官二

弟且幼痛母無依遂絕意仕進日以承顏養志為事撫弟

並有成立處已應物各得其平人稱平軒先生邑令敦請

賓飲遠近皆稱得人

萬曆志

朱右字伯賢臨海人

儒林錄作字序賢寧海人

元至正末司教蕭山慈

谿因家上虞五大夫市通詩書兩經後進多從之游洪武

上虞縣志校續

卷八 人物

六

庚戌宋濂薦入翰林與王廉同修元史順帝紀歷官至晉

府長史有治聲著有性理本原書集傳發揮春秋傳類編

三史鉤元秦漢文衡深衣考邾子世家元史補遺歷代統

紀要覽禹貢凡例李鄴侯傳白雲稟輯唐宋八先生文集

行世卒葬蘭風鄉宋濂銘墓子孝錫任谷府紀善

据嘉慶志互見

經籍

陳山字伯高襟度瀟灑文彩煥然洪武辛未

案舊作丙子今據劉鵬守

拙編 與劉鵬許昇同徵賢良山知廣東瓊山縣守法不阿

門無私謁權豪斂迹三年當陞某官為民搆誣執至京法

曹辨其枉抵誣者罪仍還任

案見陳英撰序

以疾終於會同館賜

棺葬祀名宦著有欣木詩稿畫亦清妙

正統志兼嘉慶志參各序文

葉砥字周道更字履道

案乾隆府志作蕭山人

有學行洪武辛亥進

士除定襄縣丞時當大兵後境內蕭然砥撫綏有方流亡

復集乙卯坐累謫涼州處之泰然杜門力學更號坦齋士

大夫謫居者多宗之建文元年下詔求賢劉鵬等以史才

薦起為翰林院編修或薦堪任風憲改廣西按察僉事用

法平恕獄無冤滯嘗出按郡縣至遷江會峒獠出沒為害

砥即命料丁壯立保伍併力禦之寇以有備不敢至永樂

上虞縣志校續

卷八 人物

七

初坐修史書靖難事多微辭被逮籍其家惟薄田敝廬古

書數篋事白復官仍與史事書成改考功郎中召入文淵

閣會修永樂大典為副總裁仁宗在東宮擇儒臣侍講論

砥與焉久之引年求去不許乞郡得饒州知府

見鄭曉吾學編

有磁窰銅冶而丁調不減他郡砥力言於布政司得減四

之一民困以甦諸所利病悉為興革刑清訟息常賦詩自

適著有鑾坡稿溪居集

案葉綬撰行狀作著坦齋集十帙

年八十餘卒於

官饒民巷哭罷市

正統志萬曆志兼一統志王直撰墓誌銘

祀鄉賢

乾隆府志孫綬

字叔章永樂甲午江西鄉薦授應州學正

萬曆志

占籍鄱陽

學問該博尤善古篆

備稿據饒州府志

曾孫冕字拱辰正統乙丑

進士授南京刑部主事景泰辛未擢知松江府廉明公恕

鋤強植弱民畏愛之歲屢不登悉力振救全活甚衆府有

澱山湖其半屬崑山界堤壞莫修冕視爲一體築堤萬餘

丈崑人感愧陞山東參政山西左布政使進都察院右副

都御史初在松江樂其風士旣致仕買第秀野橋西居之

歿葬北錢里

萬曆志

一子早亡松人咸悼惜之

乾隆府志引松江府志

何文信洪武辛亥進士知漢州才堪洩政卓有能聲改建

州歷官福建參政分守漳州居官清白惠澤洽民入福建

上虞縣志校續

卷八 人物

八

名宦漳州特祠

萬曆志四
川通志

俞尙裡字漢遠洪武壬子鄉舉

正統志

授本邑訓導崇文講

學百廢具舉遷江西布政司參議廉介清直人不敢干以

私

嘉慶志選舉表

精翰墨且善丹青間戲作枯木春草自具天趣

絕無畫家蹊徑

萬曆志方伎

俞誠字崇真慷慨有大節善談兵洪武六年詔停科舉訪

求賢才劉基薦爲刑部主事會星變詔求直言誠論胡惟

庸恣肆爲奸又言漠北旣去天心無盡絕之理窮兵北伐

恐有後悔詞甚切直忤太祖意謫戍雲南大理衛後惟庸

伏誅宋訥亦言窮兵不如屯兵太祖善之於是有以誠前
事爲言者召還授刑科給事中勅有事必奏會丁父艱歸
未終制卒補稿據俞氏譜新纂

謝肅字原功自幼強記敏於學比壯搜抉經史百家無不
見之書元至正末宣城貢師泰以戶部尚書漕粟閩廣肅
抱其遺經謁於吳山仰高亭師泰一見卽待以奇士已而
同泛大海相與論辨訖爲聞人及張氏據平江肅慨然欲
見宰相獻偃兵息民之策師泰爲文送之卒無所遇師泰
歿於海寧肅經紀其喪歸隱於越洪武十九年舉明經歷

上虞縣志校續

卷八 人物

九

官福建僉事與按察司陶垕仲協持風紀劾奏布政使薛
大昉不職置於法出按漳泉有虎患移文告境內之神卽
日遁去聞望烜赫人稱仰之坐事被逮太祖御文華殿親
鞫肅大呼曰文華非拷掠之地陛下非問刑之官遂下獄
死肅文詞雄贍侍郎劉鵬稱其補志闕證史謬動關世教
足勵風俗與會稽唐肅齊名時人謂紹興二肅案大清一統志作山
陰唐肅時號會稽二肅臨海縣志謂與臨海陶宗有密庵
儒會稽陶肅等十九人以詩名於時號皇明雅頌
集十卷正統間祀鄉賢据兩浙名賢錄列朝詩集小傳明
靜志居詩話萬曆志弟忠字原臣任太谷縣主簿以文學政事著補稿

引山西
通志

嚴震字岳宗居嵩城少聰慧年十五讀書會稽禹廟有梅

梁化龍出游震作賦鎮之

賦云會稽山何巍巍上有千古神禹祠衣冠陵寢今尚在丹青

絢赫生光輝梁棟之材不易得中建梅梁更奇特山間夜半風雨生化作老龍游八極幾時飛去復飛來萍藻沾身

人莫測鐵索高懸白晝閒隱隱神光照空壁嗚呼爾之生也本靈異神物那能久留滯一聲霹靂九天鳴會見風雲

起平年十九登洪武乙丑科進士第七人授監察御史奉

命收陝西反賊有功晉刑部侍郎兼禮部尚書以才敏稱

於朝一日侍御座方用扇命題扇詩矢口而成

詩云不效齊紈月樣

裁巧成新製勝蓬萊竹編玉骨參差合花簇銀箋次第開影拂鰲頭隨日至涼生雉尾自天來吾皇且喜京官盛滿

上虞縣志校續

卷八 人物

十

袖春風

後以止日蝕事罷職

正統志萬曆志

吳克剛舉賢良方正洪武二十二年知惠安縣寬恕愛人

政令公平清操推第一二十九年至京述職卒於途百姓

莫不感泣

據備稿引萬曆泉州府志纂

陳時舉字邦獻

正統志作邦獻字時舉

居郭瀆善讀書日誦數千言

洪武丁卯薦於鄉戊辰第進士

案正統志選舉洪武二十二年進士疑二十一之誤

拜監察御史出按江西風紀峻峙貪吏望風解綬轉刑部

主事遷員外郎讞獄多取平反中忌罷官遂謝人事肆力

古文詞卒以舊隙逮繫謫交阯卒

謝讜撰傳見正統志

陳秉全天性

孝友永樂甲午由國學生考授兵部武選司主事擢雲南

參議屢著政績後以直言忤上貶交阯通判卒於任嘉慶志

案萬厯志選舉載陳秉由監生除兵部武選主政考滿調交阯通判與此有詳畧之殊單名陳秉或別有據

夏時字時中自幼穎悟博學善屬文與弟孚中自相師友

洪武開科將應試失明因號守黑子寓意著文以自見葉

砥錄其文以行世曰守黑稿卒葬西徐奧正統志兼萬厯志案嘉慶志

沿名賢錄之誤作時字中甫與二弟中孚中曄自相師友與此不同攷古虞詩集載時字時中弟曄字孚中沈奎刊

誤謂中孚中字當衍是也管祐之名祖生以字行廩生天才穎發三四

歲時祖教之識字日得十餘無錯訛又伸指作八法勢曲

上虞縣志校續 卷八 人物 十一

盡其妙幼即能詩賦著宋史斷論趙宋一代君臣賢否政

治得失咸有體裁惜不永年萬厯志

貝秉彝名恆以字行居城北永樂二年進士案正統志選舉作永樂元年

授邵陽知縣縣僻而俗險前之名能治者率以嚴秉彝

寬馭之而導以禮義其民感化承祖重歸起知東阿邑當

南北要衝過使往還供給不絕秉彝規措有方事具而民

不擾歲大侵上平糶備荒策成祖從之班下郡縣如東阿

式邑西南有巨浸常若潦秉彝相地上下鑿渠引入大清

河得沃壤數千畝明史作數百頃民食其利傍邑流徙來歸者甚

衆尤善綜畫在官雖小物弗棄凡營繕所餘廢鐵敗皮朽索故紙之類悉存之工暇令煮膠鑄杵搗紙絞索貯之庫會成祖北巡勅有司建席殿秉彝出所貯濟用工遂速竣薦任風憲徵命已下耆老百餘人詣闕乞留詔進一階復任嘗坐累罰役京師民競代其役三罰三代乃復官秉彝爲吏明察而仁恕有死囚未決而盲察其色甚戚因問有冤乎曰囚固無冤第身死卽宗祀無繼耳秉彝哀之令其妻侍疾獄中妻遂娠遇旱蝗輒自引咎灾不爲害邑有虎患爲文告神虎遂遠遁嘗率丁壯從駕北征供饋餉比還

上虞縣志校續

卷八 人物

無一人失所在東阿十有八年卒篋無餘資寮吏爲治其喪民哀之如失父母白衣冠而送者千萬人祀鄉賢

見明史正

統志萬曆府縣志獻徵錄

葛啓字蒙古貞之子生而骨相不凡四明袁珙善呂負之術見卽奇之曰此利用器也補邑弟子員克盡孝友

案正統志

作由監生任知縣

永樂戊子徵修大典書成拜陝西道監察御史

上疏言事帝嘉納之復命督沿江葦薪密擒僞御史陳善等犯宣德間忤中貴出知萍鄉縣有驅虎異政縣廨有池發並蒂蓮土庶咸詠其德考滿還朝百姓攀留復任以疾

辭卒年六十一祀萍鄉名宦

見正統志萬曆志引萍鄉縣志兼李景華撰傳

昂舊作從弟考諸葛氏譜啓兄弟行無名昂官御史者殆同族分支與永樂戊戌進士亦官

御史以直聲聞於時萬曆志孫銘字用章宏治間以貢為順

昌訓導奉父母極意承歡嘗代諸弟操作力行孝友因感

豬之相乳當時傳為美談萬曆志附曾孫浩滂浩別有傳

滂字天恩博極羣籍早歲有聲鬻序累試弗捷因以自得

之蘊淑諸後進若謝御史瑜范長史晉卿胡尹景華趙尹

莘張給事承賚皆經指授者也滂以父母多疾尤究心醫

藥遂精東垣丹溪之術人稱垣溪先生據文徵明撰傳補纂滂子楠

上虞縣志校續

卷八 人物

十三

字安甫嘉靖甲辰進士為常熟令砥礪廉節奮起事功如

緝鹽盜豁坍江修治七浦皆有惠於民尤勤課士精簡拔

賦性鯁直執法忤於時卒投劾歸杜門不與外事嘗修邑

志覈實刪浮一秉於正書雖未成為後事者取證祖鍊安

貧好古善吟詠有蚓吟稿楠因名所著曰學蚓吟萬曆志

張居傑字翰英幼侍父士倫徙阜城從衡水趙肅雍學永

樂甲午膺京闈鄉薦舊作正統中舉於鄉今據周叙撰墓誌司訓章邱署縣

事蔚有政聲擢吏科給事中知無不言言皆切時務宣德

四年命密察有司得不職者三十二人皆抵法案又見明史顧佐傳

尋遷雲南右參議分定緬甸交侵之地禁革土吏久侵之
害民夷翕然擢江西參政措理軍屯田賦人沐其惠聲譽
著聞以最陞山西左布政使卒朝野惜之著有青瑣集滇

南集南浦稿陽邱存稿若干卷祀江西名宦見正統志萬曆志明一統

志江西通志弟居彥七修類稿字翰華永樂辛丑鄉舉任
兼墓誌銘作居儉

絳縣訓導學優行修被其教者皆卓然能自樹立遷臨邑

長洲教諭宣德壬子主浙試時稱得士陞福建僉事案七修類

稿作廣西提學副使執法不阿為權要所忌致政歸著有澹庵稿尤

善篆書祀山西名宦見正統志萬曆志兼山西通志張氏譜

上虞縣志校續 卷八 人物 十四

張崑字廷瞻居傑從弟也祖九功崑山教諭致仕崑登永

樂癸卯鄉薦宣德中任宣城教諭正統三年巡撫周忱薦

知當塗縣題梅詩贈之涖任敏達勤廉興學崇儒縣治譙

樓橋梁驛傳修建一新政通人和吏服士化秩滿軍民師

生保留不獲為賦詩贈行景泰中由御史出守鎮江剛果

有幹局先是郡麗譙為戎司所據昏曉失度崑奏隸有司

郡學隘陋不稱奏請遷地經營以憂去後學成人文蔚興

民懷其德萬曆志引天順間由泉州再知荊州仁明廉介

毅然有為苟利於民雖叢怨不恤修廣學校士風丕振一

如鎮江時

萬曆志引湖廣通志

嘗過當塗戴白垂髻者擁道謁拜以

風疾乞歸卒祀當塗名宦有簡庵稿藏於家

見正統志萬曆府縣志兼

當塗縣志

族父輝字士素性孝友淹貫經史著五經正義

張氏譜

若干卷善吟詠有岫雲稿行世卒祀鄉賢

據張氏譜

謝澤字時用永樂戊戌進士授南京刑部主事考讞精密

獄無冤滯會戶部侍郎周忱經畧東南運賦薦爲已副居

淮淝數年勞績茂著宣德中任廣西右參政佐柳侯征蠻

招撫全活者以萬計時與甄完胡智皆以藩憲有聲人稱

越中三良正統十四年北寇內侵朝廷擇才望守要害貴

上虞縣志校續

卷八 人物

十五

臣有受命者巧爲規避澤方九載考績待除闕下遂拜通

政使提督居庸白洋等關

明史作守備白羊口

時王師敗於土木守

邊者無固志澤單騎往執子儼手訣曰吾必以死報國矣

抵關士卒方散亂無出迎者澤乃宣敕旨將士稍集然皆

懦怯不振頃之也先兵大入守將呂鐸遁澤率羸卒扼山

口且拒且卻或請移他關避敵澤曰吾受國恩三十年此

豈偷生日耶會大風揚沙不辨人馬得走入關駐南佛寺

急猝不暇閉門寇突至澤按劍厲聲叱之遂被殺其僕由

吉負澤屍晝匿夜行閒關達京師以死事聞

案萬曆志義行列由吉

朝廷嘉其忠遣官葬祭錄儼爲大理評事曾孫元順登正

德丁丑進士終工部郎中

正統志萬曆志
兼明史本傳

范宗淵名清以字行居城玉帶橋幼孤母車氏口授孝經

論孟洪武中甫齟齬詣闕背誦御製大誥三篇賜楮幣歸

永樂戊戌成進士授工部主事宣德元年内臺請修舊制

遣御史分泣天下諸藩勾攷三司簿書以察得失遂拜宗

淵監察御史巡按福建黜陟賢否貪吏聞風解印綬四年

以蘇松常鎮四郡事繁復遴宗淵往寬猛得宜風節凜然

有范青大之謠還朝卒年四十三

正統志萬曆志兼嚴繼
先撰行狀林誌羅汝敬

上虞縣志校續

卷八 人物

十六

送東
歸序

六世孫澄清字晏海萬曆戊午鄉薦任江山教諭陞

福建甯化令期年神州鼎沸挂冠歸以餘俸分給諸昆兩

當賓筵盛典卒年九十有一子孫科第相繼

康熙志兼嘉
慶志案舊

志澄清作宗淵孫其科分相去太遠今據范氏譜改正譜
作字千頃陞禮部儀制司主政與志殆有詳略互見之不
同

林釗字明遠元縣尹希元之孫幼穎異博究羣籍永樂中

拔貢授江西饒州通判廉靜簡樸惠敷遠邇巡按賢其行

特授府篆會歲凶艱食設法振濟全活甚多尤勤課士泣

六載饒士民立碑志之及歸家無擔石處之泊如居近邑

署未嘗足至公庭介節儉德有祖遺風

康熙志

崇禎時有曰

本字原長者亦希元後博通經術一時公卿交章薦之辟中書不就家貧楹邊隙地皆植梅人稱爲梅隱善詩工書

乾隆府志

嘉慶志

羅瑾字懷瑾祖性中洪武間謫戍忠州父文仲以身代役永樂甲午卒戍所訃聞瑾哭絕復甦者數四親往取父骸次奉節縣之慈灘波惡舟覆同行者咸葬魚腹惟瑾扶一椶席順流漂下守灘人鉤致沙邊見呼吸未絕救之甦乃匍匐至夔州府謁鄉先達駱同知惠衣資得負父骨歸葬

上虞縣志校續

卷八 人物

十七

宣德己酉登鄉薦授祁門訓導母憂歸卒

乾隆府志 張居彥撰行狀載

季父正仲與文仲友愛無間文仲代戍正仲撫諸姪如己出又從弟懷玉隱居教授號南園抱甕居士見邱錫抱甕

圖序子澄字景深正統壬戌進士由行人擢監察御史道經

山東值水災上疏活民數萬按閩戢大寇鄧茂七奏免濫課七萬有奇閩人有苛政猛於虎脫虐由羅父之謠宦官陳縉王振虐民亦禁絕之復命陳敬天法祖十二事及進賢才去僉佞七要法丁母憂麓川盜起藩臣請奪情責以兵事服闋赴任不戰而平詔賜錦衣御書以勞卒於官著有五經正解辨疑事物名數等書及詩文數十卷尤精三

禮據家傳兼
乾隆府志

俞正儀九成之季子居百官永樂中母病革百藥不效或云取肝作羹食之能愈正儀設壇焚香祝刀於天割右脇取肝廣半寸長三倍調羹而進母飲而甘之觀者環堵或謂之癡遂呼為俞三癡母病稍退旬終卒正儀竟無恙

於越新編
兼萬志邑人俞繪有傳萬志

陳金字汝礪居三都宣德中由進士任行人奉使安南嘉慶

志注詳見軼事厚贐以金金謂使臣義無私交峻拒不受安南人

義之為立卻金亭正統末扈駕土木素諳天文先幾指畫

上虞縣志校續

卷八 人物

贊翊良多景泰六年官廣東布政使清修簡約銳於興治

丁外艱歸民攀留者填溢衢巷

見正統志萬志兼廣東志案萬志

云正統末與土木之難不應復官廣東今據廣東職官表陳金任左布政使在景泰六年或者英宗北狩金但扈駕非死難也嘉慶志依府志列入忠烈恐誤廣東通志列傳別有兩廣總督陳金應城人與此僅見職官表者非一人
萬志亦應分別求之

陳以行字公貴孝友性成人無間言嘗築別業於城西曰水西莊善屬詩與同里謝澤張輝輩往來倡和正統間詔舉懷才抱德科大家宰蕭山魏驥連章表薦再徵不出敕賜莊額曰天秩書院晚年名益著士大夫多造廬贈和著

有西莊集行世嘉慶志

陳禧字景福以行族弟宣德乙卯登順天籍鄉薦正統中任泉州府同知遷荊州屬邑有激變其民者誣以謀反太

守信之將奏請剿戮禧曰人民至重盍察其實已而果誣

貴州苗民逆命禧統兵隨大將柳侯征之所向皆克論功

陞湖廣右參議案潘撰傳作朝廷使保定伯梁瑤尚書王來征之禧統五營兵親冒矢石凡七戰

皆捷事平陞湖廣布政使左參政未幾署巡撫事不數月挂冠歸士庶肖

像祀之生平泣事詳愼歷官大僚及卒幾無以為殮見萬曆志

嘉慶志兼湖廣通志荊州府志從子偉字伯魁少隨禧寄籍順天善用戟

上虞縣志校續 卷八 人物 十九

登正統丁卯武科景泰甲戌成進士授錦衣衛千戶襄陽

賊劉通據南漳偉從撫寧伯朱永征之墮八重圍幾厄以

雙戟衝突飛舞若神殺賊數十人解圍得脫事平陞東城

都指揮司晉山西大同總兵據沈奎補稿纂族子志寧字思安隨

寄順天籍力舉百石弓登正統辛酉武科乙丑進士官都

督僉事山東都指揮使己巳英宗北狩由山東撤兵護駕

會也先大舉八寇過雞鳴志寧督兵禦之格戰死英宗復

辟詔恤死難諸臣諭祭世襲錦衣衛百戶嘉慶志

郭南字世南博雅能文以邑掾起家初任吳江縣史築長

橋勞勤甚著遷常熟簿郡守况鍾與撫交薦擢爲令疏通諸浦設義役倉每里出米五十石著爲令遂享十年之逸尤禁鬼襪正昏喪禮修邑志僚屬有事於鄉令以食物隨行虞山出軟栗甚肥美民摘以獻食而甘之乃令悉伐其樹曰後必有以是進奉而病吾民者官常九載百姓德之

案明史李信圭傳正統十二年致仕父老乞還任英宗許之未幾歸與老儒袁鉉袁鏞

輯邑乘捐資壽梓以傳萬曆志兼常熟縣志案鄞縣志郭南傳文與此同攷郭修正統志具載家世稿是虞人疑鄞志誤入袁鉉字伯貞自稱小越山民著有西潭集雪洞文詩稿鏞字伯珣均見沈奎補稿

趙誠字一誠娶杜氏生子而杜卒誠年二十七族人勸再

上虞縣志校續

卷八 人物

二十一

娶誠謝曰不聞伯奇孝己事乎吾既有子可無娶聞者高其義景泰中應貢司訓德安時同知劉英欲妻以女誠以

初意辭鰥居五十餘年致仕萬曆府志嘉慶志嘉靖時同邑鍾億

亦以義夫稱萬曆府志億字萬之少好讀書篤實修潔娶陳氏

生子繹方在懷抱陳病卒億時三十年案康熙志作二十四年痛其生

盡孝敬不再娶撫子成立惟取適吟咏以終餘年有司請致賓席輒謝曰有老母在敢遽赴此宴乎與誠並年八十

終見萬曆志

張欽若以字行讀書有氣節洪武初族人宏尹爲縣吏坐

事充武衛軍張氏遂登軍籍沒則代焉宏尹無嗣移文索親友無應者欽若毅然曰人戀家事耳吾有二弟三子無內顧憂義當行卽應命去至衛所年餘衛長詰其故義之延爲子師閱三十有四年詔削其籍釋歸時須髮已皤然矣嘉慶志後以義稱者有夏巖葉魁六丁仕卿巖字民瞻嗜學好客值歲歉米貴催科亟巖呈請糧儲道得改折民困少甦民壯之設率以無賴充數巖不平請革除五十餘名縣大夫才之命司水利巖陳上妃白馬夏蓋湖有四患曰佔種一也請佃二也漁人盜決三也圩長索錢報修四也

上虞縣志校續

卷八 人物

二十一

罹衆忌困囹圄者久之持論益堅七鄉人德之

備稿據謝謙撰墓誌

增魁六家貧積傭直娶婦婦至泫然泣下詢之則里長某

妻也以償逋糧不足繫獄乃鬻婦贖罪魁六卽送婦還不

索直且爲輸逋糧邑令胡思伸悉其故義之旌其門

嘉慶志

仕卿寓杭城教讀見民億於夫宿投牒當路謂官夫百七十名足備撥遣夜巡之役既戶出間架錢以召募總甲火夫而復差及保甲俾民財力兩敝請罷免事下諸司議徼巡員役以不使其私訐仕卿撓亂成法聽者不察巖行箠楚桎梏回虞者三萬歷二年仍至杭陳請再下兩邑議咸

是之自是兩役悉除更陳牒督府徐栻樹石垂遠錢塘陳

善爲之論贊

據杭州府志
義行增纂

俞鵬字漢遠

畫史
會要

能詩畫嘗膺保舉寓京師時吏部郭尙

書知其能畫使人召之不赴召者曰冢宰人欲一見而不

可得子何獨不往漢遠曰吾以膺薦而來今往爲之畫使

他日得美除人將謂以畫得之卒不往後卒旅邸貧無所

蓄鄉人爲哀金斂之

明陸容菽
園雜記

俞繪字本素性孝友爲父兄服里役輸糧後海時有閩寇

繪統民兵有斬馘功不自叙年二十狀貌甚偉邑大夫見

上虞縣志校續

卷八 人物

一二十二

輒奇之曰此非凡夫補校官弟子員始習文字邑少俊以

其晚學頗易之繪益自奮景泰丙子舉於鄉授歙縣訓導

郡有閩經歷禹錫者薛文清高弟也以國子監丞言事落

職繪曰與講明聖學督學陳士賢特章表薦阻於例弗召

憲宗時翰林羅倫章懋以劾時相被謫繪上疏請罷己官

贖倫等罪天下壯之以年資遷崇陽教諭崇陽俗信浮屠

繪著閑道錄率士人習文公家禮嚴立課程造就人才邑

俗大變嘗應聘廣東考試有懷金賄之者繪卻以詩又嘗

貸馮生金比償時馮已物故其子珏云父未嘗貸且無券

固辭不受繪曰無券者以而翁知我也不償則負翁知且負我心乃爲文告其墓卒償之陞開封府教授並有賢譽歷三十年終於教職

名賢錄作家居四十年未嘗苟出謁

祀崇陽名宦本

邑鄉賢著有井天集

萬曆志兼兩浙名賢錄

陸淵之字克深髫年失父兄克鑑任鴻臚寺序班淵之侍母在京師學天順壬午領順天鄉薦成化丙戌會試第二成進士改翰林院庶吉士戊子授禮部主事論尙書陳文不當得莊敏美謚引司馬光論夏竦事劾之直聲大振進員外郎戊戌出知叙州時旱暵頻仍發粟振饑郡多淫祠

上虞縣志校續

卷八 人物

一二十三

悉毀之以祀先代之賢者諭民孝享其先不宜崇惑靡費暇則進諸生講明理學興起甚衆寬徭省訟四境大治白羅夷民亦帖然向化叙人立生祠祀之宏治己酉陞河南參政省下富民田多稅少小民有產去糧存之害淵之嚴有田有租令民咸稱便進右布政使卒於官先是詔科道薦天下賢能推淵之第一會卒不召淵之篤行好古累積詩文善行草書居喪不出戶家無宿儲或干以非義固拒不納部使者移檄爲建坊淵之堅卻之曰取鄉里脂膏以爲己榮於心安乎著有東臯集八卷行世祀鄉賢

萬曆志謝讜

撰傳淵之嘗與章公德懋講道相得章謂淵之有學有守有猷有爲行類仲弓政希山甫殆確論也

潘府字孔修自爲諸生讀濂洛諸書卽慨然有志成化丁

未會試第三

案明史作成化未明儒學案誤作宏治辛丑

時憲宗崩孝宗踐位

百日素服如故禮官堅請從吉府毅然抗疏勸行三年喪略日子爲父臣爲君皆斬衰三年仁之至義之盡也漢文遣詔短喪止欲便天下臣民景帝苟從綱常墮地晉武帝欲之不能行魏孝文行之不能盡宋孝宗銳志復古易月之外猶執通喪然不能行於下未足爲聖王之達孝也先帝奄棄四海臣庶含哀陛下痛切肝肺麻衣視朝百日未

上虞縣志校續

卷八 人物

一二十四

改此一念天理之發也伏乞力排羣議斷自聖心定爲三年之喪使天下萬世仰爲三綱五常之共主顧不偉哉剗切數千言親友疑懼沮以皇明祖訓勸行三年喪者斬府不聽疏八袞經待罪詔輔臣會禮官詳議並持成制禮部侍郎倪岳獨贊決之定三年不鳴鐘鼓不受朝賀朔望宮中素服舉奠府由是名重海內謁選得長樂知縣五年教民行朱子家禮躬行郊野勞問疾苦遷南京兵部主事陳軍門利病七事父喪除補刑部值旱蝗星變北寇深入孔廟灾疏請內修外攘以謹天戒又上救時十要凡所陳並

關國體切時宜多見採納以便養乞南改南京兵部歷武
選司員外郎萬曆志尚書馬文昇知其賢拜廣東提學副
使考校嚴明士習丕振時雲南晝晦七日楚婦人鬚長三
寸上弭災三術疏不報尋以母老乞休不待命輒歸會逆
瑾亂政吏部尚書楊一清巡按御史吳華屢薦不起嘉靖
改元言官交薦進太僕少卿改太常兩上疏謝因言修明
聖學中興治要惓惓忠愛老而不衰既致仕歸屏居南山
關南山書院聚徒講學布衣疏食足不入城市修正五經
四書傳註及周程四子集參互考訂爲書二十餘種所著

上虞縣志校續

卷八 人物

二十五

素言競傳誦之與王守仁講學頗有異同嘗言居官之本
有三薄奉養廉之本也遠聲色勤之本也去讒私明之本
也又曰薦賢當惟恐後論功當惟恐先識董文簡玘於髫
年妻以女玘貴猶以未滿所期爲惜年七十三卒故事四
品止予祭世宗重府孝行特予葬祀鄉賢明史兼萬曆志劉戡山
議配享尹和靖明儒學案
許璋字半圭家貧潛心性命之學不求仕進凡天文地理
及孫吳韜畧奇門九遁靡不精曉嘗躡屩走嶺南訪陳獻
章至楚見白沙門人李承箕留大崖山中者三時質疑問

難亦不至嶺南而返嘗爲王文成塾師教以奇遁諸書及武侯陳法文成撫江右璋指乾象謂曰帝星今在楚矣已而世宗起於興邸其占之奇中類如此宸濠將叛璋遣子遺文成棗梨江豆西瓜文成驚悟出查亂兵遂不及難後得誅叛擒王皆璋力也岑孟爲梗文成奉命督師走璋問計璋曰撫之便卒用其言得孟遺之金帛不受欲薦之於朝曰爵賞非吾願何以相強自謂所居當大發祥顧子孫無當之者比鄰陳氏兄弟不凡足當此歸之去已而陳述陳述果相繼登第人呼爲神仙云山陰范瓘常師事之年

上虞縣志校續

卷八 人物

一二十六

七十餘卒文成以文哭之題其墓曰處士許璋之墓邑令

楊紹芳爲立石時嘉靖四年

萬曆志兼明儒學案

鍾禮字欽禮自幼迥異羣兒書法趙子昂尤精繪事弱冠省外舅蔣先生於京師公卿爭招之名動士林還居城南蕭然長林間有金氏饑寒挈一兒賣於路禮惻然以白金遺之宏治庚戌有謝進士以使事至浙慕禮邀廬老子宮會徐某謀充吏役賄謝囑當道及謝畢使事去而謀弗遂徐陳牒憲使指禮見知禮不欲累謝竟誣坐謫戍盤石已而朝廷以繪事召見直仁智殿以老乞歸帝燭其前誣削

謫籍賜以冠服時大學士李東陽謝遷王鏊爲文以贈旣
歸不忘帝恩每節旦望闕拜祝追慕二親祭必涕泣垂白
如一日女歸玉山令孫景雲以烈婦旌萬曆志 欽禮善
畫雲山草蟲詩字
亦佳李空同作歌紀其畫有始學戴文
進後頗自出機軸語又見萬曆志方伎